

» credimus abstinuissent, si considerassent attente ea, quae apud
» nos in beato Petro a Domino nobis concessa ligandi atque sol-
» vendi juxta meritorum exigentiam plenitudo residet potestatis,
» qua non extollimur ad superbiam, sed ad providentiam excita-
» mur: et illius exemplo qui omnes salvat et neminem vult perire,
» libentius utimur ad solvendum, quam ligandum: et voluissent
» diligentius intueri qua facta nostra prosequi perfectione velimus,
» quodque eos ut peculiare Romanae ecclesiae filios semper ges-
» simus in visceribus charitatis et gratis ac favoribus prosequi
» non cessavimus. Nos igitur, qui disponente Domino, qui nos
» unxit oleo laetitiae prae consortibus nostris, in eo sumus officio
» constituti, ut singularum animarum saluti consulere, justitiam
» colere et iniquitatem odire debeamus; attendentes quod de mi-
» noribus ad majores judices dumtaxat appellare legalis permittit
» auctoritas, et propterea inhibet ab imperiali et praefecto praeto-
» rio judicio appellari, et quod non homo, sed is dumtaxat qui
» solo verbo fecit coelum et terram, apostolicam sedem et in ea
» sedentem praetulit universis etiam conciliis, quae ab ea robor
» accepisse, sanctorum patrum decreta testantur, et etiam Gelasius
» papa contra Acacium Fausto legato scribens, dum ait: Ipsi sunt
» canones, qui appellationes totius Ecclesiae ad hujus sedis exa-
» men voluere deferri, ab ipsa autem nunquam appellare debere
» et ipsam de tota Ecclesia judicare, de ipsius autem judicio nun-
» quam judicari senserunt. Et dum scribit ad orientales episcopos
» dicens: Sedem praedictam nulla synodo praecedente solvendi
» quos synodus inique damnaverat et damnandi quos oportuit nulla
» existente synodo habuisse facultatem. Testantur etiam quamplu-
» rimorum antiquorum conciliorum epistolae, in quibus verba illa
» apponuntur: Salva in omnibus apostolicae sedis auctoritate: et
» quod de iis et aliis quampluribus juribus et canonibus ac auctori-
» tatibus piaemem: Pius papa secundus praedecessor noster dudum
» de fratrum suorum S. R. E. cardinalium et praelatorum ac jurispe-
» ritorum tunc romanam curiam sequentium consilio in conventu